



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

**Luxemburgi, 1748**

CCLXVII. Breve Urbani VIII. quo Provinciæ Lusitanæ Ord. Fratrum Minorum  
S. Francisci de Observantia Reformatorum nuncupatorum Fratribus  
prohibetur transitus ad alias Provincias ejnsdem Ordinis, ...

---

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

Servanda- que ubique statuit.

Contraria tollens.

Dat. die 28. Sept. 1739. An. X.

CCLXVII.

Ad tollendos abusus Provincie Lusitanæ Urbani VIII. suo Brevi.

Cavit Religiosus ejusdem Provincie ad aliam transire absque Provincialis licentia.

tenore præsentium approbamus, & confirmamus, apostolicæ firmitatis robur iisdem adiicimus, ac omnes, & singulos juris, & facti defectus si qui desuper quomodolibet intervenerint, sanamus, & supplemus.

§. 28. Decernentes eadem decreta, ac præsentibus literas firmas, validas, & efficaces existere, & forte, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, plenissime suffragari: Sicque in præmissis per quoscumque Judices Ordinarios, & Delegates, etiam Causarum Palatii Apostolici Auditores judicari, & definiri debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari.

§. 29. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 28. Septembris 1739. Pont. nostri Anno X.

Breve Urbani VIII. quo Provincie Lusitanæ Ord. Fratrum Minorum S. Francisci de Observantia Reformatorem nuncupatorum Fratris prohibetur transitus ad alias Provincias ejusdem Ordinis, studendi causa, extenditur ad Provinciam Sancti Antonii in Brasilia ipsius Ordinis.

CLEMENS PP. XII.

Ad futuram rei memoriam.

§. 1. Exponi Nobis nuper fecit dilectus filius Emanuel a Resurrectione Frater expresse professus, necnon Minister Provincialis Provincie S. Antonii in Brasilia Ordinis Minorum S. Francisci de Observantia Reformatorem nuncupatorum, quod alias, ut nonnulli abusus, qui in Provincia Lusitana S. Antonii ejusdem Ordinis, ex qua primodicta Provincia dismembrata fuit, irrepleant, tollerentur, emanarunt a se. rec. Urbano PP. VIII. Prædecessore nostro quædam literæ in simili forma Brevis expeditæ tenoris sequentis, videlicet:

§. 2. Urbanus Papa VIII. Ad futuram rei memoriam. Exponi Nobis nuper fecit dilectus filius Berardus de Martyribus Minister Provincialis Provincie S. Antonii Ordinis Minorum S. Francisci Reformatorem nuncupatorum Regni Portugallie, quod permulti dictæ Provincie Fratres Reformati hujusmodi ad illius Prælatos Superiores recursum habent, ut ab eis licentias se ad studendum extra dictam Provinciam conferendi obtineant, non sine gravi aliorum Fratrum Reformatorum ejusdem Provincie, in qua sunt studia, detrimento, & perturbatione. Quoniam vero, sicut eadem expositio subjungebat, ignari licentias hujusmodi procurant, quo licentius, & liberius vivant, & cum maximo Ordinis eorumdem Fratrum Reformatorum dedecore, postmodum in eodem habitu incedunt. Nobis propterea idem Berardus Minister Provincialis humiliter supplicari fecit, ut in præmissis opportune, ut infra provide- re de benignitate Apostolica dignaremur. Nos igitur eundem Berardum specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, quod de cetero nullus dictæ Provincie Frater Reformati hujusmodi extra eandem Provinciam studendi

causa absque pro tempore existentis dictæ Provincie Minister Provincialis licentia, & consensu se se conferre ullatenus possit sub excommunicationis poena, eo ipso incurrenda, Apostolica auctoritate, tenore præsentium interdicimus, & prohibemus. Volentes, & expresse mandantes, ut in eventum, in quem aliquis Frater Reformati hujusmodi literas Apostolicas ad hunc effectum obtulerit, & habeat, ille eidem Provincie, in qua studebit incorporetur, & habitum præfate dumtaxat, non autem illius, in qua prius erat, & Provincie gestari solitum deferat, dictæque prioris Provincie, a qua exivit, habitum præteritum reassumere, & in ea amplius recipi nequeat; ac decernentes præsentibus literas validas, firmas, & efficaces existere, & fore, suosque plenarios, & integros effectus sortiri, & obtinere, & ab omnibus, & singulis, ad quos spectat, & pro tempore spectabit, inviolabiliter observari debere, ac irritam, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, ac Ordinibus, & Provinciarum hujusmodi etiam juramento, confirmatione apostolica, vel quavis firmitate alia roboratis statutis, & consuetudinibus; Privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus, pro plene, & sufficienter expressis habentes, illis alias in suo robore permanentibus, ad effectum præsentium hæc vice dumtaxat specialiter, & expresse derogamus, ceterisque contrariis quibuscumque. Datum Romæ apud S. Petrum sub Annulo Piscatoris die 20. Decembris 1642. Pont. nostri Anno XX. M. A. Maraldus.

§. 3. Quoniam autem dicti abusus de præsentibus in primodicta Provincia vigent, & nonnulla inconvenientia, & incommoda experientur, ipse Emanuel Minister Provincialis eandem literas ad favorem dictæ Provincie Lusitanæ a prædicto Urbano Prædecessore editas ad suam Provinciam per nos extendi plurimum desiderat. Nobis propterea humiliter supplicari fecit, ut sibi in præmissis opportune providere, & ut infra indulgere, de benignitate Apostolica dignaremur.

§. 4. Nos igitur ipsum Emanuelem Minister Provincie specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de Venerabilium Fratrum Nostrorum S. R. E. Cardinalium negotiis, consultationibus Episcoporum, & Regularium præpositorum, ad quos supplicem libellum nobis porrectum remisimus, consilio, præinsertas ejusdem Urbani Prædecessoris literas ad favorem Provincie Lusitanæ ejusdem Ordinis, ut præfertur, editas, omniaque in illis disposita, auctoritate Apostolica tenore præsentium ad eandem Provinciam S. Antonii in Brasilia extendimus pariter, & ampliamus.

§. 5. Decernentes eadem præsentibus literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quomodocumque spectabit, in omnibus, & per omnia plenissime suffragari, & ab eis respectiva inviolabiliter observari, sicut in præmissis per quoscumque Judices Ordinarios, & Delegates, etiam Causarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 6. Non obstantibus Constitutionibus, &

Provincia- lis Brasiliæ ad suam Provinciam hoc statutum extendi petit.

Petris annuit Clemens.

Sicque in perpetuum servari præcipit.

Contraria tollit.

Ordi-

Ordinationibus Apostolicis, necnon Provinciae, & Ordinis praedictorum etiam Jramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanfuris, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 7. Volumus autem, ut earumdem praesentium literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique habeatur, quae ipsis praesentibus haberetur, si forent exhibitae, vel ostensae.

Datum Romae apud S. Mariam Majorem sub Annulo Piscatoris die 30. Septembris 1739. Pont. nostri Anno X.

Transumptis danda fides.

Dat. die 30. Sept. 1739. An. X.

CCLXVIII.

Irritatio Electionis Petri Joannis Meindarts in Pseudo-Archiepiscopum Ultrajectensem, qui Censuris irretitus, suspensusque declaratur, addita prohibitionem se in Archiepiscopum consecrandi, caque exercendi, quae sunt Ordinis.

CLEMENS PP. XII.

Dilecti Filii salutem, & Apostolicam benedictionem.

Dolet Clemens inter Fideles Belgas irrepressibile nonnullos in Religione perducit.

§. 1. Magna Nos pro supremi pastoralis officii munere tenet sollicitudo, & salutaris metus, ne in commissum tenuitati nostrae Domini gregis Ovile intrent in vestimentis ovium lupi rapaces, edantque stragem eo majorem, quo subdole, & incautus illatam. Qua quidem solitudine vehementius angimur, & consistamur, cum vos isthic vocati in sortem Domini ante oculos nostros obversamini, undique ab iis circumventi, qui vobiscum veluti in eadem familia degentes, animos vestros non solum veneno depravatae doctrinae dolose inficere, verum & inaniter Archiepiscopo sibi constituto, per speciem adumbratae hujusce dignitatis, in fraudem inducere conantur. Quamquam enim experti didicimus, fidem vestram, tamquam aurum igne probatum, puram illibatamque manere; vobisque esse persuasum, quidquid est Ecclesiasticae Hierarchiae, non nisi in angulari lapide, atque in Apostolicae Petrae soliditate fundatum erigi ac stare posse. Tamen, ut pro paterna caritate, qua vos amantissime complectimur, longius a vobis instructae fraudis periculum amo veamus, ac diligentius aeternae salutis vestrae cautum sit; Apostolici Ministerii Nostri esse duximus, vos edocere, quid a Nobis, ut haec paucorum perduellium inverecunda protervitas prorsus profligetur, actum fuerit; & quid a vobis, ut eam fugiatis, ac detestemini, praestari debeat.

Electionem Petri Meindarts in Pseudo-Archiepiscopum Ultrajectensem jam improbaverat.

§. 2. Igitur ubi molestissimus nuntius ad Nos pervenit, aliquos factiosos Clericos, qui se stulte, atque insolenter jactant Canonicos Ultrajectensis Capituli ab annis supra centum extincti, eo temeritatis devenisse, ut scelere quotidie magis ad dentes, & veterem seditionem recenti crimine cumulant, ausi fuerint die secunda proxime praeteriti mensis Julii in Ultrajectensem Pseudo-Archiepiscopum nefarie eligere quemdam Petrum Joannem Meindarts, Pastorem, ut adjunt, Leovardiae, quamquam aperte scirent, istiusmodi execrabile facinus, ab ipsis non semel antea patratum, ab Apostolica Sede nefandum, irritum,

inane declaratum fuisse, deletum, abjudicatum. Nos illico Praedecessorum nostrorum, Saecularumque Legum morem, atque exempla sequuti, hanc modo iteratam, illegitimam, sacrilegamque electionem, tradita Nobis e Caelo potestate, rescidimus, abrogavimus, nullius roboris, vanamque renuntiavimus; Eundem vero Petrum Joannem, & quoquoque ficto e mentioque Canonicorum Ultrajectensium nomine in ipsum suffragia contulerunt, eique adhaerentes, favorem, opem, consilium, consensum praestiterunt, & illius partes sectantur, fovent, tuentur, auctoritate Omnipotentis Dei excommunicavimus, anathematizavimus, atque ab Ecclesiae communione segregatos, ac prorsus Schismaticos habendos, & vitandos esse constituimus, indiximus, & declaravimus.

§. 3. Mandamus propterea, districteque interdiximus eidem Petro Joanni sub poena Excommunicationis ipso facto sine alia declaratione incurrendae, ne audeat Jurisdictionem ullam, aut pro animarum regimine auctoritatem sibi arrogare, vel pro suscipiendis Ordinibus Dimissorias Literas dare, Pastores, Missionarios, Ministros, Deservitores, aut alios, quocumque nomine nuncupentur, ad animarum curam, & Sacramentorum administrationem, quovis etiam necessitatis praetextu, constituere, ac deputare.

§. 4. Simul quoque palam edicimus, & declaramus, omnes & singulas antedictorum Officiorum deputationes pro animarum regimine, quocumque nomine jam factas, aut fortasse faciendas, cum omnibus inde sequutis, prorsus irritas esse, nulliusque roboris, ac momenti. Rursus eidem Petro Joanni praecipimus, atque inhibemus, ne sub simili Excommunicationis poena audeat Episcopalem Jurisdictionem, quam profecto nunquam adeptus est, exercere.

§. 5. Qui vero per ipsius Literas Dimissorias fuerit Ecclesiasticis Ordinibus initiatus, noverit suspensionis vinculo se obstrictum, atque irregularitati praeterea obnoxium, si susceptos Ordines exercuerit.

§. 6. Vobis autem, Dilecti Filii, & quibuscumque aliis etiam Episcopali, & Archiepiscopali Dignitate fulgentibus omnino, ac sedulo injungimus, vetamurque, ne praemonstratum Petrum Joannem pro vero Ultrajectensi Archiepiscopo habeatis, & agnoscatis, neve cum eodem ullo pacto, praesertim in Divinis communicetis, aut ab ipso, aut ab aliis per ipsum perperam deputatis Sacramenta, aut Ordines accipere, vel ullo modo illi, aut illis, parere audeatis; immo eosdem tanquam alienos, Sanctae Sedi contumaces, mandatisque Apostolicis refragantes averfari & vitare praecipimus.

§. 7. Praeterea sub poenis canonicis, atque etiam indignationis nostrae interdiximus, ac severe prohibemus omnibus cujuscumque Catholicae Ecclesiae Archiepiscopis, & Episcopis, ne antedictum Petrum Joannem frustra electum Archiepiscopum consecrare audeant. Cui pariter sub eisdem poenis indicimus, atque imperamus, ne se a quocumque Antistite consecrandum praebent, utpote inaniter, & nullo pacto Archiepiscopali Dignitate donatum; qua sane illicita ac nefaria consecratione tot reliquis subiret Canonicas poenas, & nihilo minus ab omni suscepti Episcopalis ejusdem Ordinis exercitio suspensus manseret.

§. 8. Itaque, Dilecti Filii, mandata haec nostra in Spiritu filiorum adoptionis accipientes, iis exequendis navate libenter operam, ac fortiter averfati versuta factiosorum ingenia, quibus nihil suavius est seditioso tumultu, perturbataque Religione; debita simul obedientia prosequuti Supremum Patrem familias, unice prospicientem vestrae felicitati, date documentum, filios lucis Vos esse, nec habere cum iis rem velle, consuetudinem, societatem, qui ambulant in regione umbræ

In ei adhaerentes latum anathema.

Ipsi interdicit ea facere, quae sunt Ordinis sub poena excommunicationis.

Episcopalemque adire jurisdictionem.

Ab eo factis initiati, suspensioni, & irregularitati obnoxii.

Cum eo nullo modo communicandum.

Vetitum ne se ullatenus consecrare faciat, laeis poenis in id attentantes.

Adhortatio ad Catholicos.